

[Augsburg], 1. Mai 1572

An Theodor Zwinger

UB Basel, Fr. Gr. I 11, fol. 341r.

S. Accepi tandem Demosthenem, et chartas Isocraticas 29: quo nomine, Clariss[ime] vir, D[omine] et amice colende, industriae et fidei tuae non minus debeo, quam ipsi Episcopio: qui hoc non confecisset, nisi te et ἐργοδιώκτην et συμφράδμονα et συμπονοῦντα, μᾶλλον δὲ ἡγεμονεύοντα habuisset. Quae de victus ratione scribis, significaui ei, cuius mandatu istud à te petieram: à quo, quia nunc in praedio quodam suo abest, et alterum fortasse tabellarium Rinfeldensem expectat, nondum accepi responsum. Sed existimo, si nihil à grauitate aeris periculi est, adolescentes istos breui ad vos profecturos. Quod superest: ne parum sim impudens, enixè rogo, ut autor sis Episcopio, Isocratica primo quoque tempore absoluendi. Quod ubi factum intellexero: 50 exempla per peculiarem tabellarium mihi apportanda curabo, si aliter non licuerit. Vale. Cal[endis] Maij 1572.

Hiero[nymus] Wolfius
Tuus.

D. Ostermannus amanter te salutat.